

sulta et repentina, e non fo disputata; e per opinion mia fo mala, *licet* vi fusse in opinion. Ave 40 di no, 144 di la parte, e fu presa.

Fu posto, per loro savj, scriver a l' orator nostro a Roma, come Faenza speravamo averla doman. *Item*, la cossa di Rimano e l' acordo fato; et che lo volemo avisar dil tuto, ma tengi secreto; e si 'l papa li dicesse nulla, li possi risponder e justificar la Signoria aver tolto Faenza a ciò non vegni in man di fiorentini, et Rimano per acordo e di volontà dil signor Pandolfo con darli ricompensa etc. *ut in litteris*. *Etiam*, fo leto una altra lettera e balotata insieme, *videlicet* che a petition dil papa saremo contenti dar l' arzivescoado di Zara a quel suo Cypicho episcopo di Famagosta per far a piacer a soa santità, qual per li meriti di esso Cypicho e di soi passati. Ave . . . di no.

Fu posto, per tutti i savj di Colegio, scriver a sier Hironimo Contarini proveditor di l' armada, in risposta di sue, che trovando fuste di turchi, debi observar li capitoli di la paxe et avisar quelli sanzachi etc., et habi advertentia che questo non fusse causa di mal. *Item*, per quelle zurme li manderemo ducati 2000, et li mandemo biscoti etc. Ave tutto il Consejo.

Fo scritto per Colegio a Brandizo, debi licentiar Matio da Zara con la soa compagnia. *Item*, a Cataro, debi *etiam* dar licentia a Piero Cavalini contestabile, quale a tempo di guerra ivi fo mandato.

El fo fato il scurtinio di orator in Franza in loco di sier Francesco Morexini dotor et cavalier, che havia refudato; et fu facto senza pena, et niun non passò.

156

Electo orator in Franza.

Sier Polo Trivixan el cavalier, di sier Baldisera,	68
Sier Marin Morexini, fo avochato fischal, qu. sier Polo,	65
Sier Marco Gradenigo el dotor, qu. sier Anzolo,	28
Sier Piero Bembo, di sier Bernardo dotor et cavalier,	38
Sier Andrea Mozenigo dotor, di sier Luuardo,	39
Sier Piero Contarini, qu. sier Zuan Ruzier,	75
Sier Cabriel Emo, qu. sier Zuan el cavalier,	95
Sier Francesco Capello el cavalier, fo ambador in Franza,	65
Sier Nicolò Michiel dotor, fo ai X officj,	75
Sier Francesco Donado, qu. sier Alvixe qu. sier Andrea el cavalier,	50

Sier Marin Sanudo, savio ai ordeni, qu. sier Lu-nardo,	54 167
Sier Vincenzo Cabriel, qu. sier Bertuzi el cavalier,	42
Sier Piero Contarini, qu. sier Zuan da San Patrian,	44
Sier Vincenzo Querini dotor, qu. sier Hironimo,	42
Sier Piero Michiel proveditor sora i officj, qu. sier Lueha,	31
Sier Michiel Trivixan, qu. sier Andrea,	43
Sier Nicolò Dolfin, fo di Pregadi, qu. sier Marcho,	73

A dì 21 novembro. In Colegio. Vene sier Polo Trivixan qu. sier Andrea, stato castelan a Napoli di Romania, dove disse aver patito assai. È stato a Trani e portò certi danari che mandava quel proveditor nostro sier Zulian Gradenigo, ch' è di li danari li fo mandà per lo armar di la galia.

Vene domino Andrea Lando arzivescovo di Candia, qual convene esser portato in uno albuol. Per il mal franzoso non si pol aiutar; *solum* li è restà la lengua. È zovene di la mia età; ma par vecchio. È fo per certa differentia di uno suo cuxin sier Zuan Lando qu. sier Piero, qual havia penson dueati 400 su ditto episcopato. Et par che un zorno lo renoneiasse, et subito ditto sier Zuane spazò a Roma; ma poi ditto arzivescovo revochò ditta renoncia dicendo averla fata da le doje havia, et però ora vene a la Signoria con sier Hironimo Foscarei suo cuxin, dicendo la Signoria l' ajuti. A l' incontro parlò sier Nicolò Dolfin per l' altro Lando. Or la Signoria li persuase acordarsi, e l' arzivescovo disse lo volea tuor cogitor, ma non si vol spojar in vita dil suo etc.

Veneno sier Piero e sier Francesco da cha' da Pexaro, nepoti fo dil zeneral, dolendosi che sier Marco Loredan e sier Gasparo Malipiero, è ai 3 savj, fazi a loro cosse contra ogni raxon. E però richiese che sier Marco Loredan fusse cazato, atento che il zeneral fè tajar la testa a sier Marco Loredan; et che non voleno esser judieà per lui, nè veda di soi conti; et che, a tempo dil doxe Foscarei, per suo fiol, fo preso parte in Consejo di X, mai quelli fo a condanarlo non fusseno zudichati da quelli da cha' Foscarei, *imo noviter*, Alvixe di Dardani, fo fiol di uno custodi el fiol dil doxe in prexon, de recenti sier Francesco Foscarei fo cazado in una soa causa. *Item*, sier Giacomo Morexini andò avogador contra uno fiol di missier Candian Bolani era capitano a Verona, fo decreto niun da cha' Bolani non judichi mai niun da cha' Morexini. Or il principe li sentiva contra a